

刑部卷之二

典章四十

刑獄

獄具

枷

長五尺以上六尺以下濶一尺四寸以上二尺六寸以下皆以乾木爲之長濶輕重刻誌其上

死罪二十五斤
徒罪二十斤
杖罪十八斤

杻

長一尺六寸以上二尺以下濶三寸厚一寸

鎖

長八尺以上二丈二尺以下

鐐

連環重三斤

杖

長三尺五寸皆須削去節目不得以勑膠諸物裝釘固決訊者並用小頭其決管及杖臂受拷訊者臂腿分受務要數停

箠

大頭徑二分七釐

杖

大頭徑三分二釐

訊杖

大頭徑五分五釐

小頭徑二分五釐

小頭徑二分五釐

中統二年七月懷孟路承奉大明等路宣撫司指揮欽奉聖旨節該所
在重刑宣撫司詳察以情案當面審引詳察以情若無異詞關部待報其
餘因禁常切錄問無致冤滯具獄具牒檢校不
所在之處即時行檢校正如法者隨時科決改正
欽此使司送法司照勘到舊例開坐如後仰將
應具依法校勘製造相
應照依罪名輕重用之奉此

獄具之制

諸衙門杖數答杖等第大德九年六月湖廣行省准中書省

咨刑部呈山東宣慰司關濟南路申檢照得元奉上司定

到公事斷例五十七以下並聽司縣官斷決八十七以下

散府州軍斷決一百七下宣慰司總管府斷決又獄具定

制答長三尺五寸

云云

皆削去節府司看詳罪分輕重刑

有等第朝廷定制期於無刑而已且論即今司縣五十七

以答決路府州郡五十七即以杖斷罪責既同杖答各異

若不申覆終無所守明白定例今後凡罪五十七路府州

縣皆以答決似望刑政歸一仰副朝廷恤刑之意然此即

係通例申乞明降遵奉施行當司關請定奪准此照得先

爲校勘答杖具呈都省照詳遍行合屬依例施行去訖今

准前因照得舊例答五十杖五十至元二十八年奏准定

例至元新格內一款節該諸杖罪

云云

欽此本部議得古

者笞五十杖五十蓋爲數止滿百故各半其數今既杖數至一百七下所據五十七以下當用笞六十七以上當用杖行之已久或有不同擬合遍行使令歸一呈乞照詳都省咨請依上施行依本例用杖子中書省咨至元三十一年十一月

日奏過事一件去年濶里吉思回話先皇帝根底奏外處斷罪囚呵交細杖耍的一般打有奏呵今後交粗杖子打者聖旨有呵行了文書來如今各處與將文書來不分輕重都一例交粗杖子打呵其間有仇的人每犯輕罪過的人故意的交粗杖子重打了害人性命的也有去也重了交粗杖子輕的交細杖子打的體例自前行了三十餘年也依在先的體例裏行呵怎生這般將說來有俺也商量將依著他每的言語則依先的體例裏行呵怎生奏呵依著在先體例者欽此

禁斷王侍郎繩索至元二十年二月御史臺備奉中書省劄付刑部尚書集賢院侍讀學士呈照得鞫問罪囚笞杖枷鎖凡諸獄已有聖旨定制自阿合馬擅權以來專用酷吏爲刑部官謂如刑部侍郎王儀獨號慘刻自創用繩索法能以一繩縛囚令其遍身痛楚若後稍重四肢斷裂至今刑部稱爲王侍郎繩索非理苦虐莫此爲甚今來參詳應內外官司呈推勘罪囚獄具自合照依已降定制並不得用王侍郎繩索所據各處推官司獄以至押獄禁子人等皆當選用循良人庶得刑平政理擬合諸路一體禁約得此都省咨請依上施行

禁止慘刻酷刑至元二十年十一月御史臺准本臺中丞崔少中牒該照得鞫獄之具自有定制比年以來外路官府酷法虐人有不招承者跪於蓂芒碎瓦之上不勝楚痛人

不能堪罪之有無何求不得其餘法外慘刻又不止此今後似此鞠問之慘自內而外通行禁斷如有違犯官吏重行治罪似望體皇上恤刑之本意去酷吏肆虐之餘風天下幸甚牒請照驗施行准此呈奉中書省劄付除已遍行禁止外仰照驗施行

罪人無得鞭背至元二十九年二月中書省據御史臺呈河北河南道肅政廉訪司申准懷孟路分司僉事趙朝列牒據懷孟路錄事司在城住坐人戶劉阿韓口告十月內蒙河內縣差委男劉曉前去萬善店營盤搭蓋小薛大王掃里有本路笑薛同知因事於男劉曉背上打訖一十七下身死等事除另行追問外卑職嘗讀唐貞觀政要所載大宗回閱銅人見人之五臟近於背詔天下勿鞭背可謂仁君知愛民之本爲萬世之龜鑑也今朝廷用刑自有定制

有司不詳科條輒因暴怒濫用刑辟將有罪之人脫去衣服於背上拷訊往往致傷人命深負聖上好生之德若不禁治事關至重都省准呈通行合屬禁治施行

禁殺殺問事大德四年九月江西行省劄付據南豐州備吏目王沂呈欽惟聖朝大推好生之仁曲盡恤刑之意方今用刑已有定例向之者繩縛罪人磁芒刺膝鞭背精跪遊街拷掠遇夜問事等項非法酷刑已蒙上司禁革切見有司親民之官每於問事之際私情暴怒輒遣兇徒驅於公廳之下恣情以殺殺捆打不思爲人覩物聽事全在耳目其殺殺擊之打及一頰則衝損頭目以致含血滿口兩頰釁腫傷於飢膚連月不愈及其甚者或打其耳際近於太陽虛怯去處左邊擊則右耳出血右邊擊左耳出血經日昏迷輕則救之甦省痛楚之餘血氣閉塞致成聾聵終爲

殘廢重則因而致傷人命深可哀矜如蒙一例禁止不惟居官者戢酷虐之風爲事者免殘疾之苦庶不失聖朝好生之意乞備申施行得此州司看詳若准吏目王沂所言實爲允當備申訖照詳得此移准中書省咨照得諸人犯罪自有常憲請照驗依例施行准此

禁治遊街等例大至四年三月湖廣行省准中書省咨該江浙行省咨據杭州路總管梁正議言諸處鞫問罪囚多有自用已意失之酷虐深爲未便若不早爲禁斷有傷大體本省與朝廷差來官議擬如後請定奪准此送刑部議得遊街拷掠賊徒露體久跪酷吏暮夜鞫囚罪治相應都省區處到下項事理咨請依上施行

一切惟國朝最以人命爲重凡有重刑必須奏覆而後處決深得古先謹審刑辟之意向爲寇盜滋蔓追會

未完淹滯難決間遇寬恩一例疎放倖而獲免復爲民害致蒙上司遣使分道審錄儻贓伏明白雖餘黨未獲並以遊街處置蓋一時權宜之制非終久通行之法也近聞他處或有盜賊緣爲牧守不得其人擅用此法以致遊街之後方獲正賊死者不可復生官吏雖悔何及不惟有失朝廷之初意生殺之權輕委臣下防微杜漸不可不謹如蒙朝省遍下諸路禁斷不勝幸甚行省議得各處重囚追勘完備牒審無冤結案待報蓋詳刑之義聖旨所尚遊街拷掠誠非理體若不禁治枉傷人命關係非輕除已遍行合屬嚴加禁約輕囚疾早疎決外重囚追勘結案毋致違犯前件議得合准所擬嚴行禁治今後若有故違禁令似前非法遊街拷掠囚徒事輕從本管上司究治

因而致傷人命者取招咨省

一鞠問罪囚已有明制若賊伏已明而隱諱不招須立案推問雖加拷掠杖有定數所以禁官吏之非法不敢恣情以虐民也近年以來官吏推問不詳法制之輕重不肯以理而推尋遽憑所告務要速成一到訟庭令精跪褫衣露膝於粗磚頑石之上或於寒冰烈日之中莫恤其情不招不已使其人筋骨支離不可屈伸腿腳拳攣不能步履又令獄卒時復提換每移一處則兩膝膿血昏迷不省假使得免亦爲廢人況外無拷掠之痕內有傷殘之實所在官吏習以爲常江浙之間此弊尤甚上負國家好生之德下長官吏酷虐之風向者繩縛罪人及磁芒刺膝鞭背等刑已蒙上司革去今者跪廳之法如蒙一體禁斷不勝幸

甚行省議得訊囚之法已有定例其精跪之酷誠爲虐政若不禁止遺患方深除已遍行合屬嚴加禁治仍行移廉訪司依上施行

前件議得合准所擬今後若有似此跪廳問事酷虐官吏有人告發從本管上司究治

一見奉至元新格節該官府皆須平明治事當日合行商議發遣之事了則方散一款節該凡問罪囚須與連職官員立案同署依法推理近年以來一等酷吏晝則飽食而安寢夜則鞫獄而問囚意謂暮夜之間人必昏困而難禁燈燭之下自可肆情而妄作以致蚊蚋之嚙皮膚風霜之裂肌體間有品官爲事鞫問官吏先使本人跪於其前問官據案假寐或熟寢榻上至於睡覺方問其人招與不招又復偃卧或啜茶

飲酒故意遷延百端凌虐必得招而後已國家赤子乃使刻薄之人殘害如此若不明立案禁貽害無窮除今後朝廷委問並各處緊急重事許官員從便推問不爲定例其餘夤夜鞫問罪囚並合禁斷行省議得鞫問罪囚必須圓坐以理推尋刻薄之徒無故夤夜問事擬合禁治

前件議得除朝廷委問緊急重事其餘諸衙門官吏不得似前夤夜鞫問罪囚違者從本管上司究治

巡檢司獄具不便大德七年十一月中書省據河南江北道奉使宣撫呈官民不便數事關係通例送刑部議擬到淮安路推官吳承務呈泗州天長縣銅城巡檢司官吏將平人袁虎子用獄具非法拷訊虛招殺人及法外將當三銅錢用火燒紅放於兩腿燒烙已問明白斷罪罷役看詳獄

具有司不得已而後用之物巡檢職當捕盜豈可得而行
使以致非法將平人拷訊及用炮烙酷慘之物理當禁治
若將隨處巡檢司獄具盡行拘禁以爲長便檢會到正統
五年欽奉聖旨條畫內一款諸州司縣但有疑獄不能斷
決者毋得淹滯仰隨即申解本路上司若猶有疑惑不能
決者申行中書省外巡尉捕盜官提獲盜賊隨時發與本
縣公坐推問是實解赴本州府再行鞫勘施行不得轉委
吏人及弓手人等拷問應犯死罪枷杻收禁婦人去杻杖
罪以下並鎖收欽此已經遍行合屬欽依施行去訖今據
見呈本部議得諸處捕盜巡尉人員職掌巡捕擬合依奉
都省元行不得獨員鞫勘所據不應存設法外獄具合准
奉使宣撫所言拘禁相應都省咨請依上施行

不得法外枉勘大德七年五月行省准中書省咨該刑部呈

會驗奏准至元新格內一款

見至元察獄新格第二條下

除欽依外切

聞舜命臯陶作士明刑弼教刑期於無刑與其殺不辜寧失不經好生之德洽於民心非好用刑乃不得已也今之官吏不體聖朝恤刑之意不思仁恕專尚苛刻每於鞫獄問事之際不察有無賊驗不審可信情節或懼不獲正賊之責或貪照察之名或私徇徇或挾宿怒不問重輕輒加拷掠嚴行法外凌虐囚人不勝苦楚鍛鍊之詞何求而不得致令枉死無辜幸不致命者亦爲殘疾然嘗禁止爲無罪名犯者甚多畧舉本部見行福清州判官楊守信因問竊盜李公信未獲贓物用油紙於兩腳燒燃墮落指節不能行立又平灤路樂亭縣簿尉郭愈將涉疑婦人張阿劉用布瓦研跪兩膝又於背脊項鹽囚傷身死又成武縣主簿徐德用等坐視獄卒將涉疑賊人朱不借驢就牢門首

用麓棍打傷隨即身死同州官達魯花赤三合知州智公弼等爲偷羊賊人梁丑驢不指平人拷訊一百四十餘下故令虛指張順係知情窩主人將張順拷勘身死似此非法拷訊兼夜跪鎖棍棒敲打按撻揪摔屈招枉罪如是數多豈能盡舉雖官吏斷罪降等不敘使枉勘屈死無辜冤免含怨何能得雪以此參詳今後應在鞫問公事須憑證佐贓驗明白究情研窮磨問其事昭著再三引審抗拒不肯招狀如情可據無疑須依條例與連職圓座立案同署依法拷問其餘杖罪以下細事依理歸對毋得似前非法拷訊酷虐無辜若有違犯隨即取招量事輕重斷罪黜降如蒙准呈照會相應得此檢會到中統五年欽奉聖旨條畫內一款見巡檢司獄具不便例下欽此已經遍行合屬欽依施行去訖今據見呈都省准呈咨請依上施行

有罪過人依體例問延祐四年正月

日江西行省准中

書省咨延祐三年十一月

日奏過事內一件今秋奉

聖旨有罪過的人指證明白不肯招合的人除強盜外問事的官人每首領官圓聚著商量了依著體例合使甚麼杖子打了多少杖數明白立著札子圓押者不依體例將人頭髮鬚揪提著腳指頭上跼著軟肋裏搦打精跪膝鐵索上石頭磚上田土上一兩日跪著問麼道遍行文書禁了者聖旨有呵行了文書來俺商量來犯罪過的人若是不分輕重一概都這般行呵恐怕有窒礙的一般今後有罪過的人每若是賊證明白避罪不肯招狀呵除重罪過的依著已了的聖旨立著札子訊問也者其餘雜犯問事的官人每量著事情輕重不教分外了依在先體例問呵怎生奏呵聖旨了也欽此都省咨請依上施行

察獄

罪囚淹滯舉行諸隨處季報罪囚當該上司皆須詳視但有淹滯隨即舉行其各路推官既使專理刑獄凡所屬去處察獄有不平繫獄有不當即聽推問明白咨申本路依理改正若推問已成他司審理或有不盡不實却取推官招狀議罪

犯人番異移推諸所在重刑皆當該官司公廳圓座取訖服辨移牒肅政廉訪司審復無冤結案待報若犯人番異家屬稱冤聽牒本路移推其賊驗已明及不能指論抑屈情由者不在移推之例

審察不致冤滯諸見禁罪囚各處正官每月分輪檢視凡禁繫不廉淹滯不決病患不治并合給囚糧依時不給者並